

ԳԻՏՈՒԹԻՒՆ ԵՒ ԱՐՈՒԵՍ

ԹՈՐԱԿՏ ԵՒ ԼՈՅՍ

Թորքախոր ամենաքայքայիչ հիւանդութիւններից մէկն է, վերջին ժամանակներս, արեւմտքի առաջնակարգ բժիշկները յամառ կերպով հետազօտում էին լոյսի զօրեղ կազդուրիչ յատկութիւնը: Ներկայումս, ինչպէս հաղորդում է Вѣд. Вѣд. նոյն հարցին վերաբերեալ մի շարք ուշադրութեան արժանի ապացոյցներ են եղած, որոնք յայտարարում են մօտ օրերս և հիմնուում են վերջին 11 տարուայ ընթացքում Փարիզում և Ֆրանսիայի այլ քաղաքներում կատարած փորձերի վրայ: Բոլոր յայտնի բժիշկները, ինչպէս Бруардель, Гранше, Ландузья, Летюше, Репонъ, Страусъ, Фидансье, Гро, Жюйеръ և այլն, վճռական կերպով յայտարարում են, որ Թորքախոր իր բոլոր տեսակներով, բուն է դնում և զարգանում այն տեղերում, որտեղ բնակարանները բաւարար լուսաւոր չեն: Լոյսը, յիշել բժիշկների ասելով, տոբերկուլէօզի մանրէի ամենաուժեղ թշնամին է. ուրեմն կարող է Թորքախորի դէմ ամենազօրեղ զէնքը լինել:

Ահա այդ ապացոյցները. Փարիզի 80 հազար տներից 5243-ը տուբերկուլէօզի բուն են, այդ վարակիչ հիւանդութեան իսկական բնակավայրը: Այդ բնակարաններում 1894 թուի Յունուարի 1-ից մինչև 1905 թուի Յունուարի 1-ը ամեն տարի 100 մահուան դէպքում 38 տոկոսը տուբերկուլէօզով էր: Երևաց որ բոլոր այդ 5243 տները պատկանում են Փարիզի այն տներին, որոնք բոլորից աւելի զուրկ են լուսից և որոնց մէջ միշտ կիսախաւար է տիրում: Ընդհակառակը լուսաւոր տներից և ոչ մէկը տուբերկուլէօզի կողմից ոչ մի վտանգ չէ ներկայացնում. այդ տեսակ բնակարաններում Թորքախորի մեռնողների տոկոսը ամենապակասն է եղել: Այս դէպքում Թուա-

Նշանների ցուցումները այնքան համոզիչ և պերճախօս ապացոյցներ են, որ յօդուածագիրը իր վերոյիշեալ աշխատութեան վերջաբանում ասում է. «Թոքախտն ամենից առաջ խաւարի հիւանդութիւն է»։ Ուշադրութեան արժանի է և այն, որ Թոքախտի դէմ կուռում, լոյսի օգտաւէտ դերը բաւականանում է ոչ միայն նրանով, որ լոյսը քայքայիչ կերպով է ազդում տուբերկուլիօզի մանրէի վրայ, այլ և մարդու կազմուածքի ամենաառողջ գրգռիչ կենսական ոյժերին է պատկանում։ Լոյսի ազդեցութեամբ ուժեղանում է մեր կազմուածքի ամբողջ նիւթերի փոխանակութիւնը։ Իսկ Թոքախտի դէմ կուռում այդ կարեւոր է։ Արդէն յայտնի է թէ ինչ օգուտ է բերում այդ տեսակ կուռում զօրեղացած սննդառութիւնը։ Զօրեղացած սննդառութիւնը այն ժամանակ է օգտաւէտ, երբ աւելանում է նիւթերի փոխառութիւնը, իսկ այդ լինում է լոյսի ոյժի ազդեցութեան ժամանակ, որը գրգռում է մեր կազմուածքի կենսական ոյժը։ Այստեղից առաջ է դալիս հետեւեալ ենթադրութիւնը։ Որտեղ չի կարելի օգտուել առատօրէն ցերեկուայ լոյսից, հարկաւոր է, տուբերկուլիօզի դէմ կուռելու համար արհեստական լուսաւորութեան դիմել։ Վերջին դէպքում պէտք է գերադասել ելեքտրական լոյսը, որի ժամանակ բնակարանների առատ լուսաւորութիւնը չէ փչացնում օդը, որ ամենակործանիչ կերպով ազդում է նիւթերի փոխանակութեանց և կազմուածքի սննդառութեան վրայ ու միաժամանակ լոյսի կազդուրիչ ազդեցութիւնը ոչնչացնում է։

ՕՐ. ՆՈՒԱՐԴ ԱՂԱՆԵԱՆՑ